



Edizione diplomatica

	Image not found https://letteraturaeuropea.let.uniroma1.it/?q=sites/default/files/styles/330px/public/S%20%283%29_9.png&itok=gyRxOArL Bernard COnort era sai eu be. Qe ges de mi no pensaz. Puos saluz ni amistaz. Ni messages nomen ue. Trop cuit queu faz longaten. Et er ben senblant oimai. Queu chace cho qaltrui pren. Pois nomen uen auentura. Bel conort qant mi soue. Com gen fui per uos honraz. Et qan eram oblidaz. Per un paoc no muor de se. Queu eisme uau enqiren. Qim met de foldat en plai. Qant eu midon sobre pren. De la mia forfaitura. Per ma colpa mesdeve. Et ia no sia celaz. Qar ues lei no soi tornaz. Per foldat qe men rete. Tant nai estat longamen. Qe de uergoigna queu nai. Non aus auer lardimen. Qei an anz no ma segura. Il mencolpet de tal re. Don li degra uenir graz. Fe queu dei al aluergnaz. Tot ofi per bona fe.
---	--

	Et seu en amar mespren. Tort a qi colpa men fai. Qe qi en amor qer sen. Cel non a sen ni mesura.
	Tant er gen seruiz per me. Sos fels cors durs (et) iraz. Tro del tot ser adolzaz. Ab bels diz (et) ab merce. Qeu ai ben trobat legen. Qi gota daiga qan chai. Fer en un luoc tan souen. Tro caua la peira dura.
	Qi ben remira ni ue. Oilzz (et) gole front (et) faz. Aissi son finas beltaz. Qe mais ni meinz noi coue. Cors loncs dreich (et) couenen. Gent afflibar coint (et) gai. Hom nol pot lauzar tan gen. Com la saop formar natura.
	Chanzoneta or ten uai. Ues mon fraces lauinen. Cui prez enanz (et) meillora.
	Et digaz li qe ben uai. Qe de mon conort aten. Enqera bonaventura.

- letto 429 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2246>